

## Afırık laloa bedr seb-kaseng ninsaal la nin-buiid yel-segdı zug sën gomd pagbā yel-segdı yell Afırık pogē

Tēns nins sën kē seb-kasengā raabā pogē :

- D sā n tik tı Afırık no-kaseng ninsaalb yel segdı wā, a koeeg 66 bilgame tı b tog n dıka noy bı zems-taab seb sā n wa rat sën na lok no-kasengā tı oyita tēnsā taoor dāmb la guvègnema taoor dāmb sën tigs a sek 31 soaba Adis Abeba Etyopi soolmē yvumd 1995 kiuug a 6 soabā kell n maan kaset ne sardo (AHG/RES.240.xxx.). Rē poore, yel-segdı sullā yāka koe-rıkdı tı b na n gulsa no-kaseng Afırık pagbā yel-segdı zugu.
- D sā n tik tı no-kasengā a koeeg a 2 soabā gıdga welgr buud sën tik buudu, yīng gāongo, pag bı raoa, buud goam, wēn-tūur sore, f politik sor bı f sën tagsd to-to, f sën yi tēng ninga, f tarem, f nedlem, f sën dogē wall būmb a to.
- D sā n tik me tı koeeg 18 soabā kosa tēng fāa t'a modg tı Wēgb pagbā zug ra zīnd ye; sën paasde, b tog n kogla pagb yel-segdı wala sën bilg koe-kasens la no-sugdsā pusē wā.
- D yāame tı koeeg 60 la 61 sën be no-kasengē wā sakā dūni noy la ween-vit noy ninsaal yel-segdı wā zugu, n zems tens ne taab sën yāk n na tū noyā.
- D sā n tēeg tı pag yel-segdı yaa būmb dūni wā noy sën mi tīir wala dūni koe-rıkdı ninsaal yel-segdı zugā dūni zems-taab noy ninsaal vūm zugu, a politik pogē, a paoong pugē, a rog-n-mik la a vūmā pogē, no-sugr welgr buud pagbā zugā, la a zems-taab koeegā, Afırık seb-kaseng yel-segdı la biig vūm-sngā zugā, n paas no-sugds a taab la dūni zems-taab pag yel-segdı zugā sën yaa ninsaalb yel-segdı sën pa te n sāam, sën gād taaba, la sën pa te n welge.
- D sā n tēeg yes tı naaszini koglg sullā tūm-sardg limor 1325 pag tūmd laafı la koglgā zugā.
- D sā n bāng tı pag sel-segdı la a tūmd yidgr zug yaa būmb sën tar pāng naaszini tūm-gānegds ween-viuvugā la yidgrā pugē (1992), ninsaalb yel-segdı (1993), nin-buiidā la yidgrā (1994), nin-buiidā yēegr pugē (1995).
- D sā n gād tı pag ne rao zema taab Iya (UA) tūm-singdgā raabā, zems-ta-paallā Afırık yidgrā yīnga, koe-rıkdı sard tūmā, la noy

sēn sēd sēn wīnid tī Afurik tēnsā rīka sard tī pagbā na n yī tēngā yidgr tuimd-n-taas wa neb a taabā.

- D sā n ye tik tī Afurik tuum-sardgā, Dakaar koe-yiisdgā sēn yi yūvmd 1994, Bezind tuum-sardgā la yūvmd 1995 koeegā kota tēnsā fāa sēn be naaszini wā n naag n maan sard tī b na n tū-b lame, tī b bao soay sēn na k pagb yel-sēgdī pāng sēn na yūl tī welgr buud sēn tik raoolem bī poglem la naong fāa sa dūni.
- D sā n sak tī pag tuumd tara pāng Afurik rog-n-mikā zāab pogē, a sā n tik zems-taaba, laafī, soog-n-menga, nonglem, sida, gād-taaba, la kuvung raabo.
- D sā n tall d yamē sardā, koe-rīkdsā, no-kotsā, noyā, no-siīgdsā la ween-vīt noy tī b raab yaa b na modg tī welgr buud ne pag sa, la b mao tī rao ne pag zem taaba.
- Pak d lame tī baa ne tēns wūsg sēn sak Afurik noy seb-kasengā ninsaal la nin-buiid yel-sēgdī wā zugā, la dūni noy ninsaal yel-sēgdī zugā, sard ning tēnsā sēn dūk n na n bas welgr buud sēn yaa wēeng ne pagā, pag Afurik ket n bee welgr la tuum-wēens pogē.
- D sēn maan kaset tī tuumd ning fāa sēn wēgd bī n komsd pag la bi-pugl yidgr togame n basbo.
- D sardame ne na n sng pag t'a yidgi, n zā la d kogl pagb yel-sēgdī sēn na yūl tī b paam n dī ninsaal yel-sēgdī yodo.

Woto, tēnsā zemsa taab ne sēn pogdā :

#### Pipi koeega : bilgri

- a) Afurik siglg sebrā
- b) Afurik no-kaseng sebr ninsaal la nin-buiid yel-sēgdī zugā
- c) Afurik sull ninsaal la nin-buiid yel-sēgdī zugā
- d) Iya (UA) tēnsā taoor dāmb la guvegnema rāmbā taoor dāmb tigsg
- e) Welgr ne paga. Bakr buudu, svk yiisgu, weoogr la zāab sēn tik taoor tī raabā yaa b na wēge, n tdg pag yel-sēgdī zāab baa ne a sēn yaa a soab kāadmā pogē.
- f) Tēnsā sēn be no-kasengā pugē
- g) Neb sēn yaa pagba, tī kom-pugliy wā be suka
- h) Nepaad (zems-ta-paall Afurik yidgr yīnga) sēg-taabā sēn lugli
- i) Tuum-wēense, tuum buud fāa sēn wēgd pag yel-sēgdī yēgr wala vium yel-sēgdī, kaoreng yel-sēgdī, yel-sēgdī ne f burkīndlīm zāab la f meng yīng zāabo.
- j) Iya (UA)

k) Weoogr ne pagbā yaa būmb ning fāa b sēn maand ne pagb sēn te n wēgb bī n nams b yīnsi, b taoore, b yam, b paoongo, baa ne tvumd buud sēn dat n leb yel-kaēnsā sēnē wala paoogr bī kaalem sog-mengā pogē ned fāa bī nin-buiidā vūmā laafī sasa, mo-ys la zab wakato.

### Koeeg a 2 soaba

1. Tēnsā zabda ne welgr pagbā zugu, baa ne welgrā sēn yaa būmb ninga, yaa rē la b rikd noy la b lugund tvum-noy. Rē me n so tu b rikd sard n na :

- a) n guls tēng zāab noy seb-tikdgā pogē la seb a taab pogē sā n da pa zoe n guls tī pag ne rao zema taaba, la b modgdē tī b tū.
- b) b rīgsda noy sēn segd sēn na yīl tī welgr sa. B sībgda welgr tvum la tvum-yood sēn komsd pag laafī la a vūm-sngo.
- c) B kēesda pagb zu-loees politikā noy pugē, noy toay-toay pugē, b tvum-gānegdī la tēns yidgr tvum pugē; la b pa yīmd vūmā yel a taab ye.
- d) Rīgs noy sēn zems zīis nins welgr buud pagbā zug sā n ket n beē.
- e) N teel noy sēn be tēng fāa pugē, ween-vīvug pugē n dat tī welgr sēn tees pagb fāa sa.

2. Tēnsā maanda b sēn te sēn na toeem pag la rao tvum-tvmdi ne zāmsgo, kibay kūuni, kaorengo, sēn na yīl tī welgr buud sēn tik rog-n-mik tvum-yood la minim sēn mamsd tī pag ne rao svka, ned a yeyn n yūd a to.

### Koeeg a 3 soaba : yel-segdī ne f burkīndlīm zāabo

1. pag fāa tara yel-segdī ne a koglg a burkīndlīm, a yel-segdī b sēn mi tīir zāab la a koglgo.
2. pag fāa tara yel-segdī ne b waoog a mengā, la a pam n yidg a meng la yam.
3. tēnsā maanda b sēn te sēn na gīdg pag wēgb la zāab sēn yaand-a
4. tēnsā rīgsda noy sēn na yīl n kogl pag a yel-segdī pugē, n zā a burkīndlīm la a kogl-a ne weoogr buudu, la sēn yūd fāa yaa a taoorā pogē, la goam pogē.

## **Koeeg a 4 soaba : yel-segdı ne f vium, meng zāabo, la meng koglo**

1. pag fāa tara yel-segdı ne a vium, a yīngā zāabo, a meng koglgo. Wēgb buudu , sibgr buudu, zāab buud sēn yaand ned gīdgame.
2. tēnsā rīka sard n na n tū noy sēn segd tī :
  - a) b rigs noy la b k laloa nins sēn gīdgd welgr buud ne pagba; rē fāa pogē b ningda laogeng sān pa sakr laogengā bī modgr laogengā a yaa sēn solg bī neb sēn mi tīir laogeng pogē.
  - b) Rīgs noy buud toay sēn na sng n gīdg bī n sibg weoogr ne pagbā
  - c) Bas būmb ning sēn wa ne pagb weoogrā, la weoogrā sēn kēesd yel nins sēn na yīl n beool bī b tum weoogrā saab tuvma.
  - d) Tum laafī zāmsg tuvm ne zāmsg tuvm-gānegds sēn na yīl tī minim buudu, rog-n-mik buud sēn sngd pagbā wēgb t'a kell n kēng taoorā sa.
  - e) Sibg neb nins sēn weoogd pagbā, la b bao tuvm-gānegds sēn sngd pagb tī b zīnd suka
  - f) Zīnig sul la tuvm-noy sēn kt kibay sēn teend pagba, la b k pagb nins sēn be weoogr pugē wā ligdi.
  - g) Beool pagb koosgo, yg neb nins sēn koosd pagba, la b kogl pagb nins sēn te n dīk n koose
  - h) Gīdg pag yīng rīk n maan bāngr teed bī tum t'a soabā pa sak ye
  - i) Lugl tuvm-gānegds sēn zems n k-b ligd tī b tog n tuvm pag weoogr gīdgr tuvma.
  - j) Ges tī tēns nins ninsaal bv n dogl-a yor yākr buvdā sēn ket n beē wā bī b ra kv pag sēn tar pug bī sēn yēsemd biig ye.
  - k) B tik tī pag ne rao fāa zema taab ne b paam tī b k-b solgr yel-segdı, tī pag sēn solg tara yel-segdı solgrā weengē wala dūni yel-segdı wā solgrā pugē wā sēn datā. B leb n segda ne kadantigs la sēb a taab wa rapā.

## **Koeeg a 5 soaba : d menems tuvm-wēensā**

Tēnsā gīdgame la b sibgd wēgb buud la tuvm-yood buud sēn sāamd pag yel-segdı n leb n pa tūud dūni noyā sēn be wā ye. B rīkda noy sēn segd la yam a taab sēn na yīl tī tuvm-yoodā menem; yaa wala :

- a) sēgl nin-buiidā fāa tuvm-yoodā zug ne kibay kūuni, la zāmsg toay-toaya.

- b) Gıdg ne noy bı sıbgr pag yīngā poglgo, bāong kom, pag poglmā zug tūm maooneg la tuvm-wēens a taaba
- c) Sng pagb nins sēn be tuvm-yoodā pusē, n k-b sngr wala laafı zugu, noy rıgsgo, saglse, kiblg la tuvm zāmsg sēn na yıl tı b tog n zā b mense.
- d) Kogl pagb sēn te n kē tuvm-yood pugē, weoogr la pu-to-tuvm sēn pa sakde.

### **Koeeg a 6 soaba : kāadem**

Leta rāmbā getame tı pag ne rao rı yel-səgdı yod ne zem-taar kāadmā wēengē.

Woto yīnga, Leta rāmba rıkda noy sēn səgd n kogl tı :

- a) kāadem ra maan tı neb a yiibā fāa pa sak ye
- b) bi-pugl sēn dat n kē kāadem yvum sēn paood yaa yvum 18
- c) pog-yeng kāadem yaa kāadem buud b sēn daoond t'a yaa sma. Pag yel-səgdı kāadmā pogē la zakā pogē, baa ne pagb kuung kāadmā pogē yaa būmb sēn kogl n tar zāabo. Sā n dat t'a yı laloa kāadem, b togame n guls-a seb-kasengē
- d) kāadem buud fāa sā n dat t'a yı laloa kāadem, b togame n guls-a seb-kaseng zug wala laloa wā sēn datā
- e) Kāadb a yiibā yākda wa b sēn dat kāadem buud ning la tēng ning b sēn date
- f) Pag sēn kē kāadem tara sor n kell n tall a sondre, n zā-a wa a sēn dat ne a sūdā sondre
- g) Pag sēn kē kāadem tara sor n kell n tall a tēng-n-biilim, la a paam a sūdā tēng-n-biilim
- h) Pag fāa tara yel-səgdı nins rao sēn tarā sā n yaa ne koambā tēng-n-biilim pugē, la tikda noyā sēn be tēnsā pusē, la koambā koglg sēn dat būmb ninga
- i) Pag ne rao sngda taab n zā zakā, n kogl la b ges koambā kaoreng yelle.
- j) Kāadmā wakate, pagā tara sor n paam a meng soolem n zā wa a sēn dat to-to.

### **Koeeg a 7 soaba : yīn-welgre, kāadem kaoobo, kāadem sāoongo**

Tēnsā rīgsda noy sēn segd tī pag ne rao fāa rī yel-segdī sēn zem taab yod rao ne pag yīns welgr wakato, kāadem kaoob wakato, kāadem sāoong wakato. Rē yīnga b getame tī :

- a) kāadb welgre, kāadem kaoobo, la kāadem sāoong yaa bu-kaoodb tūvumde
- b) pagā ne raoā fāa tara sor n kos welgre, kāadem sāoongo, la kāadem kaoobo
- c) kāadem sā n kao, kāadem sā n sāam bī welgr n kē suka, pagā ne raoā tara yel-segdī ne b koambā. Ne rē fāa sēn yaa pakr yaa koambā yodo.
- d) Welgre sā n wa, kāadem sā n kao, bī kāadem sā n sāam fāa, pagā ne raoā tara sor n kīt tī b pūi teedā sēn paam kāadmā wakatā.

### **Koeeg a 8 soaba : tog n paam bu-kaoor la zem-taar laloa taoore**

Pagb ne rap tara yel-segdī sēn zems taab laloa taoore, b tara koglg yel-segdī la laloa yod rūb sēn zem taaba. Tēnsā rīkda noy sēn na :

- a) n sng tī pagb paam sngr la bu-kaoor noy zāabo
- b) sng yam-kīds sēn be tēngā pvgē, ween-vīvugā bī Afurīk sēn dat tī pagbā paam bu-kaoor sngre
- c) sul luglgu, la sul a taab sēn pukd a nif n get pagbā yelle, n sagend nebā pagbā yel-segdī zug tēngā pogē
- d) sul zīnigr tī b tog n ges noyā tūub yell zīig fāa sēn na yūl tī pag ne rao zem-taabā sūd rīk sore
- e) bu-kaoor fāa zīigē bī pagb sēn zem dap zīndi. Noyā tūub sull pvgē me bī pagb sēn zem dap zīndi.
- f) B toeem laloa rāmbā la tūvum nins sēn yaa welgr tūvumā, tī woto n sngd la kogend pag yel-segdī.

### **Koeeg a 9 soaba : yel-segdī ne b kē politikē la noy rīkrē**

Leta rāmbā tūmda tūvum-sms sēn na yūl tī na-rūrā yī naagr naam, tī pagb naagr yī svk-svk politikā pogē tēngā pogē; rē fāa tūuda ne tūvum la noy sēn sngd tēngā pvgē tī :

- a) pagbā naagd vot-rāmbā tī welgr kae ye
- b) zīig fāa, rap ne pagb sor yī būmb a yeyn votā pvgē
- c) leta wā tūvum pvgē, bī pagbā ne rapā yī tūmd-n-taas zīig fāa wala tūvumā sēb gulsgo, la tēngā yīdgri, politikā nao gānegre.

3. Tēnsā rīkda sard tī pagb naagr noyā rīkr popē paas wūsg la sma

#### Koeeg 10 soaba : yel-sēgdī ne bāani paoongo

1. pagbā tara yel-sēgdī ne b paam laafī b vūm pugē, la b naag ne laafī (bāani) zāab tēng fāa pugē.
2. leta rāmbā rīkda noy sēn sēd sēn na yūl tī pagb naag b mense
  - a) laafī la bāani tuvm-gānegds, la laafī zāmsg pogē
  - b) beoolg tuvm pogē, laafī zāab pogē, zab zāab pogē zīig fāa (tēngā la sēn yūd tēngā pogē)
  - c) tēng fāa pogē tuvm-ygendse, ween-viuvgo, kntuna la dūni norūkds pugē sēn na kogl yīnga, yam, nin-buiid la neb sēn baood solgre, sēn solge, sēn lebs b tēngē, sēn yiis b tēngē, la sēn yūd fāa yaa pagbā.
  - d) Zīig fāa tuvm-ygends zāabā pugē, kā-rāmbē wā, la solgrā zīigē nin-solgdsā yīnga, sēn baood b tēn-kēedse, sēn lebs tēnsē, sēn yiis b tēnsē, la sēn yūd fāa yaa pagbā.
  - e) Tuvmā siglg pogē, tuvm-gānegds mag-n-gāneg sēn na yūl n manes yelā zabā poorē.
3. Leta rāmbā maanda b sēn te fāa sēn na yūl n woog bug-raad raab ligd sēn na yūl n sng nin-buiidā la sēn yūd fāa yaa pagbā yidgri.

#### Koeeg 11 soaba : pagb kogl bug-raad zab wakato

1. tēnsā sēn be no-kāngā pugē wā rīka sard n na n tū be b sng tī dūni yel-sēgdī noy ninsaalb zug bug-ra-zab sēn namsd ninsaalb la sēn yūd fāa yaa pagbā paam tūbu.
2. tēnsā togame wala pakr ning sēn dogl-b dūni yel-sēgdī wā zugā n kogl nin-zaalsā la pagbā baa sēn yaa nin-buiid nins la b be ne.
3. tēnsā rīka sard n na n kogl pagb sēn kot tēn-zīidsi, sēn solge, b sēn lebs-b b tēnsē bī b sēn targ neb nins b sēn da beē ne weoogr buud fāa, ygbo, bī taoor wēgb la b tog n tik tī tuvm-wēens woto yaa zab wakat yel-wēna, nin-kvure, tī woto neb nins sēn tumd rē fāa kēngda buud taoore.
4. tēnsā rīka noy sēn sēd tī biiga, la sēn yūd fāa yaa kom-pugliy sēn pa ta yūm 18 ra naag zabē ye. Tī biig ba a yeyn ra kē sodaar ye.

## **Koeeg 12 soaba : yel-səgdı ne kaoreng la zāmsgo.**

### **1. Tēnsā rūkda noy sēn səgd n na n :**

- a) modg tī welgr buud ne pagb sa, la b tūm pag ne rao sēn yaa yembr kaoreng la zāmsg pugē tuvma
- b) menems tagsg buud fāa sēn sngd tī welgr beē kaorengā sēb pusē, kaorengā tuvm-gānegds la kiba-kūunā pugē.
- c) Kogl paga, la sēn yūd fāa yaa bi-pugl ne wrbo, a taoor wēgb karen-dotē wā la b bao sibgr buud n k neb nins sēn tuvd tuvm-kāensā
- d) Sng pagb sēn be wrb la taoor wēgbā pogē tī b paam sagls la svk kom
- e) Ning pag ne rao zema taabā ninsaalb yel-səgdı tuvm pogē kaorengā tuvm-gānegdsē la karen-saam-dāmbā kaoreng pogē.

### **2. Leta rāmbā rīgsda noy sēn səgd n na :**

- a) n sng pagbā kaorēng pogē (buvd goam)
- b) sng pagbā la kaoreng la b zāmsg wakat la zīig fāa, la sēn yūd yaa baoosem pogē, la bāngr toay-toay pogē.
- c) Sng pagb tī b kē kaoreng la b karem n kaoos kaorengā buud pogē, la b ygen tuvm-gānegds kom-pugliy nins sēn yitb kaorengā tao yīnga.

## **Koeeg 13 soaba : paoong la vūm pogē koglg yel-səgdı**

Leta rāmbā yākda noy la b ges tī b tū-b sēn na yūl n k pagb zu-noog tuvmā pogē, b yidgr tuvmā pogē la paoong tuvmē. Woto yīngā b rīka sardo :

- a) n na n tūm tī ned fāa zem a to tuvm paoong pogē
- b) n ges tī tuvm pogē, sā n yaa tuvmd a yeyn bī pag ne rao yaood yī a yeyn
- c) n ges tī tuvm-tumdbā yākr yī vēenega; yidgr tuvmē yī vēenega. Pagb yiisg tuvmē, b tog n zaba ne taoor wēgb tuvmā pogē.
- d) Ges tī pagbā yāk tuvm nins b sēn dat la b kogl-b ne wēgb la wrb tuvmā rāmb nengē wala sēn bilg no-sugdsā pogē, la noy buud toay-toayā pogē.
- e) Maan sēn te fāa n sng pagb paoong tuvma; sēn yūd yaa b mens tuvmē wā.

- f) Zīnig sul sēn kogend pagb nins sēn tūmd b mens bī sēn pa leta tūvma, la b sagl-b tī b sak n kē sulā.
- g) Yāk yūvmd paoodlem sēn pa te n kē tūvum ye; gūdg koamb sēn pa ta yūvum-kāensā tī b ra tūm ye. B zab ne la b gūdg koamb wēgbo. Sēn yūd fāa yaa kom-pugliy wā.
- h) Rūk noy sēn sēgd n k pagb sēn tūmd zagsē tūvum pānga
- i) K kaset tī pagb tara rogem vūvsgo; b yaoodame tī b pa roge, la b rogem poore. Woto tog n yū tūvmā fāa pogē (Leta tūvum la tūvum a taabā).
- j) Tik tī pag ne rao zema taab lēmpo rāmbā yaoob pogē
- k) K pagb nins fāa sēn tūmdā yel-sēgdī ne b paam yaood la yod wa b sēn kt rapā b kēed-n-taas la b koamb yīnga
- l) Tik tī roagdb a yi wā pipi zu-loees yaa koambā wubr la b yidgri. Zī-kānga, leta la so-m-meng tūvum-noy tūvmd yaa bāmb poorē.
- m) Yāk noy sēn sēgd sēn na zab ne pagb wēgb la tūvum nins sēn yākd pagb burkīndlīm (porno).

#### **Koeeg 14 soaba : yel-sēgdī ne laafī la rogds zāabo**

- a) yel-sēgdī ne b ges b sā n te n dogame
- b) yel-sēgdī ne b yāk b raab ne rogem b sēn date, b koamb sor la b rogem yaagre
- c) yel-sēgdī ne b rūk rog-yaagr tūm
- d) yel-sēgdī ne b kogl b mens la b kogl-b ne taoor bāase. Sūda wā bee svka
- e) yel-sēgdī ne b bāng b sā n tara laafī, b kēed-n-taagā laafī, la sēn yūd fāa yaa taoor bāasa, sūda wā wala dūni wā noy sēn bilgā
- f) yel-sēgdī ne kaoreng paoong la rog-yaagre.

#### **2. Leta rāmbā rūkda noy sēn sēgd n na :**

- a) n sng pagbā tī b paam rot tūvum sēn zemse, sēn pē ne-ba, tī yaoob me pa toog ye. Yaa wala kibay kūuni, zāmsgo, la ssg pagb yel pogē. Sēn yūd fāa yaa pagb nins sēn be weoogē wā.
- b) sng pagbā b sēn nan pa rog pogē, b sēn dog poorē, b sēn tar pus wakato, la b koambā yēseng wakato; b tog n modgame tī sngrā yī sma n yūg beoog fāa.

- c) kogl pagb rogds yel-səgdı, la sən yūd fāa, b sak tı b yiis pog sā n mik tı tūu ne modgr tı pogā ruke, bı nebā pa tog n kē ne taaba, wall pogē yaa sabaab tı ma wā yam la a yīng te n paama komsgo, biigā bı a ma n te n paam yelle.

### **Koeeg 15 soaba : yel-səgdı ne rūb paoongo**

Leta rāmba səgdame n k pagb yel-s əgdı ne rūb sən səgd la yaa sma. Woto yīnga, b rıkda noy n na :

- a) n sng pagb ne ko-yilem paoongo, zak teed paoongo, zīis la tuum teed sən na yūl n paam kood sən na rı
- b) n bas yam nins sən na bīng kood b sən na paam kood pagbā rūb yīnga.

### **Koeeg 16 soaba : yel-səgdı ne ro-gāas sən yaa sma.**

Pag tara yel-səgdı wa rao ne a paam ro-gāas sən sakde, la ween-viuvug sən yaa sma. Woto yīnga, Leta-rāmbā sngda pagb ne ro-gāas sən sakd baa ne b sən yaa bāmb ninga ( b tara sıdb bı b pa kē kāadem).

### **Koeeg 17 soaba : yel-səgdı ne b paam rog-mig-smse**

1. pag tara yel-səgdı ne a viemd rog-n-mik sən yaa sma pogē la a naag n yāk yam buud rog-n-mikā weengē sən na sng-a.
2. Leta rāmbā rıkda noy sən səgd n sng pagb tı b naag b mens n paas ne politik rāmb sən get rog-n-mik zāab yelle.

### **Koeeg 18 soaba : yel-səgdı ne b paam ween-viuvug sən yaa sma**

1. pagb tara yel-səgdı ne b v iemd ween-viuvug sən yaa sma pogē
2. tēnsā rıkda noy sən səgd n na :

- a) n ges tı pagb wusg naag tuum-gānegdsā pogē, weoogā zāab la a koglg pogē, la tēn-gāongā yod zāab sma
- b) n tum baoob yāngr yīng la b ges tı pagb kēes b mens kiba-paal paoong pogē
- c) n yāk noy teed toeengo, b bīngri, la zak rēgd sāoongo
- d) n ges tı noy nins sən be bīngrā pogē wā tū, rēgd sən yaa zēnem zulgr la a sāoong tū noy sən segde.

### **Koeeg 19 soaba : yel-sègdì ne yidgr sèn kaoosd paoongo**

Pagb tara yel-sègdì ne b paam yidgr sèn kaoosde. Rē yīnga, tēnsā rīgsda noy sèn sègd n na :

- a) kēes pag ne rao yaa a yeyn yidgr tuvm-gānegr pogē
- b) naag pagb ne rap sèn zem taab yamā gānegr pogē, koees rīkr pogē, tuvmā magb la yidgr tuvm-gānegds pogē
- c) ges tī pagb kē baoob tuvm gesg pogē wala tēn-gāongā, la b ges tī ned fāa tall a rēnda
- d) ges tī pagb paam sam, zāmsgo, tog paoosgo, tuvm bāngr tēnsā pogē sèn na yūl tī pagb vūm yī sma, la b kaalmā wooge.
- e) Tik yidgr nao nin-buiidā zug sèn kē pagb weengē politikā tuvm-gānegds la yidgrā tuvm-gānegds pogē
- f) Ges tī mondyaliizas yel-wēensā, la baoobā tuvm-gānegdsā yel yī lom-lom ne pagbā.

Leta rāmbā rīkda noy sèn sègd sèn na kūt tī pog-kor fāa rī ninsaal yel-sègdì yodo, ne soay nins sèn pogdā tūubu :

- a) Pog-kor pa tog n paam zā-wēeng sèn yaand bī halkd-a ye
- b) Pog-kor sūd kūum poore, yē bal n tog n zā koambā, sā n pa wa n mikame tī woto pa tar yod ne koambā ye
- c) Pog-kor tara yel-sègdì ne a leb n kē kāadem ne rao a sèn date

### **Koeeg 21 soaba : faad yel-sègdì**

1. Pog-kor tara yel-sègdì ne b pūl a lagem-n-taagā laog ne-a tī zemse. Pog-korā tara yel-sègdì baa ne kāadem buud ning a sèn bī a tog n kell n zīnd a kēed-n-taagā zakē. A sā n leb n kē kaadel a to a tog n kell n talla yel-sègd-kāng sā n mik tī zakā ra ko yē wa faado.
2. wala rapā, pagbā me tara yel-sègdì ne b rī b roagdb faad tī b pūl tī zemse.

### **Koeeg 22 soaba : pagb yvum sèn vēsg koglgo**

#### **1. Tēnsā rīka sard n na :**

- a) N kogl pagb yvum sā vēsg la b rīk noy sèn zems ne b raabo, b mens zāabo, b baoobo, b vūmā nin-buiidā svka, ne b tuvm paoongo, la b tuvm zāmsgo.

- b) N Kogl pagb yvum sēn vēsg ne wrbo, b taoor wēgb la welgr buud sēn tik b yvuma. B tog n sng b lame tī b paam zāab ne burkīndlīm.

### **Koeeg 23 soaba : pog-koms-rāmb koglgo**

Leta rāmbā tika sard n na :

- a) kogl pagb sēn yaa koms-rāmba, n dīgs noy sēn segd ne ned fāa yīnga, a paoongo, a vūm nin-buiid suk sēn dat sēn na yūl n sng-b tī b paam tuvma, zāmsgo, la b tog n naag ne noy rīgsg tēng fāa pogē.
- b) N Kogl pagb sēn yaa koms-rāmb ne wrb la sēn yūd fāa yaa b taoā wēgb la welgr buud fāa sēn tik b komslmā, n sng tī b zā-b ne nedlem.

### **Koeeg 24 soaba : pag sēn be rabeem pogē koglgo**

Leta rāmbā tikame tī :

- a) n na kogl pagb sēn pa tare, pagb sēn yaa zags-rāmba, pagb sēn yaa nin-welgds neba, la b modg tī b paam sēk sēn zems ne b mensā raabo, b paoong la b sēn vī ne nin-buiidā to-to.
- b) B ges pagb sēn be bāens rotē n tar pvse, bī n yēsemd koamb n k-b sēk ning sēn zems ne-ba, la b zā-b ne medlem.

### **Koeeg 25 soaba : sēn sāam lebsgo**

Leta rāmbā tikame :

- a) n na n ges tī pag ning fāa yel-segdī la soog-m-meng noyā sēn mi tiirā sā n sāam bī b lebg n maneg
- b) n tik tī manegrā yell b sēn gomdā yaa taoor dāmbā sēn be bu-kaoor pogē, nebā zāab pogē wā, bī taoor soab a to sēn tar tog tī laloa wā mi a tiiri.

### **Koeeg 26 soaba : noy gānegr la b tūub pog-n-gese**

1. Leta rāmbā tika no-kasengā tūub tēng fāa pogē, la b ning yel-gets b sēbā sēn yit wakat-wakatā pogē wala Afurik koe-yiisdgā koeeg 62 sēn datā, sēn na yūl tī yel-segdī wā paam tūubu.
2. Leta rāmbā tikame n na n dīgs noy sēn segd la b k ligd sēn sekd tī ketē sēn na yūl tī noyā sēn be no-kāngā pogē wā sīd paam tūubu.

### **Koeeg 27 soaba : wumb**

Afırık buud noor ninsaal la nin-buiid yel-səgdı wā tara tog n ges mo-ys buud sēn te n zīnd noyā sēn be ka wā wumb pogē n tik b tūub bı b zāab tēnsā pogē.

### **Koeeg 28 soaba : nug tikri, sakre, la kom**

1. no-kēengā seb-kāngā gulsame tı Leta-rāmba sak-a la b tik b nusi.  
Tēng fāa te n kē-a-lame wala soayā sēn bilg tēnsā pogē wā
2. sakrā la komā sēb fāa bee Iya sullā taoor soab nengē.

### **Koeeg 29 soaba : tūub singre**

1. no-kasengā sebr tūub singda sakr sebr 15 soabā sēn wat n kē
2. tēng ning fāa sēn sak no-kasen-kāngā a tūubā singr tēka, a bāng tı no-kāngā tūub ne yē mengā singda yē sēn kis a kom sebrā daar tēka.
3. Iya sullā taoor soab wīnidga tēnsā fāa sēn be sullā pogē no-kasengā tūub singr daare.

### **Koeeg 30 soaba : lebgr la toeengo**

1. Tēng fāa te n kosa lebgr wall toeeng no-kaseng sebr pogē
2. lebgr bı toeeng sebr fāa kīta Iya sullā taoor soaba, tı yē tool-b tēnsā sēn be no-kasengā pogē wā rasem 30 pogē a reegrā tēka.
3. Leta rāmbā la guvēgnema rāmbā taoor dāmb geta sēbā sēn toolā yūvmd pogē. Rē tı sullā zoe n wīniga a sēn tagsde; wala gom-buk a 2 soabā raabā sēn be koe-kāngā pogē wā.
4. lebgrā la toeengā, tēnsā taoor-dāmb la guvēgnema rāmbā taoor dāmb n tog n wīnig b sakr tı b yaool n lebg bı b toeem; la neb sor sēn yud n dīk noorā.
5. lebgrā la toeengā tūub singre, sā n yaa ne tēnsā sēn sakbā, yaa rasem 30 poor Iya taoor soabā sēn deeg sebrā tēka.

### **Koeeg 31 soaba : no-kasengā so-tūudsi**

No-kasen-kāngā raab pa tog n sāam pag yel-səgdı rūb sēn be tēng fāa noy pogē, bı no-sugdsē, la zems-taab noy sēn be dūni wā fāa pogē ye.

## **Koeeg 32 soaba : saab no-rıkdse**

B sēn nan gūud Afırık bv-kaoor yel-səgdı roogā luglgā, Afırık yel-səgdı wā sull tara tog n get mo-ys sēn be no-kasengā wvmb pogē n tik a tūub la a zāab tēng fāa pogē.

Sēn dık Iya sek a 2 soabā

Maputo ...yvymd 2003 sēoog kiuug pogā

Afırık laloa bedr seb-kaseng ninsaal la nin-buiid yel-səgdı zug sēn gomd pagbā yel-səgdı yell Afırık pogē ka.

1. Afrıkdisiid ...
2. Alzeri
3. Āngola
4. Bene
5. botsvana
6. Burkina Faso
7. Burundi
8. Kamerunn
9. Kapveer
10. Sāntrafrik
11. Komoore
12. erdese (kngo)
13. Kngo
14. Kodivoaar
15. Gibuti
16. Ezıpt
17. Etyopi
18. Eritre
19. Gab
20. Gāmbi
21. Gana
22. Gine
23. Gine Ekoatooryall
24. Kenya
25. Lezoto
26. Libeerya
27. Libi

- 28.Madagaskaar
- 29.Malawi
- 30.Mali
- 31.Moris
- 32.Moritani
- 33.Mozāmbik
- 34.Namibi
- 35.Nizeer
- 36.Nizeerya
- 37.Ugānda
- 38.Ruwānda
- 39.εεrayesde
- 40.Sawo Tome e prēsipe
- 41.Senegall
- 42.Sesell
- 43.Seera Leyoon
- 44.Somali
- 45.Sudā
- 46.Soazilānd
- 47.Tānzani
- 48.Saad
- 49.Togo
- 50.Tinizi
- 51.Zāmbi
- 52.Zīmbabwe